



Aalisarnermut, Piniarnermut Nunalerinermullu Naalakkersuisoq
Medlem af Naalakkersuisut for Fiskeri, Fangst og Landbrug

Inatsisartunut ilaasortaq Jørgen-Ole Nyboe Nielsen, Demokraatit
MAANI

**Sunngiffimmi piniarnermut allagartamik pinissamut atatillugu sumi
najugaqavinnermut uppersaammik takutitsinissaq pillugu
Naalakkersuisunut apeqqummut nr. 167-imut akissut.**

Inatsisartut suleriaasianni § 37, imm. 1 naapertorlugu Naalakkersuisunut apeqquaqaa-
tigisimavat 1) Kalaallit Nunaanni najugaqavissut nunatsinni sunngiffimmi piniarnermut
allagartamik pinissamut atatillugu sumi najugaqavinnermut uppersaammik takutit-
sinissamik piumasaqaammut ilaatinneqannginnissaat qanoq ilillugu piviusunngortinne-
qassava? Aamma 2) Naalakkersuisut innuttaasunut Pituffimmi najugaqartunut sumi
najugaqavinnermut uppersaammik takutitsinissamik piumasaqaammut tunngatillugu
immikkut ittumik akuersissuteqarsinnaanersut, Kalaallit Nunaannut akileraartarnermut
attuumassuteqarneq tunngavigalugu?

Apeqquut oqartussaaffimma ataani akisassanngorlugu innersuussutigineqarpoq.

- 1) **Kalaallit Nunaanni najugaqavissut nunatsinni sunngiffimmi piniarnermut
allagartamik pinissamut atatillugu sumi najugaqavinnermut uppersa-
saammik takutitsinissamik piumasaqaammut ilaatinneqannginnissaat
qanoq ilillugu piviusunngortinneqassava?**

1)-imut Aalisarnermut, Piniarnermut Nunalerinermullu Naalakkersuisoqarfik (APNN) na-
jugaqarnermut uppersaatip piumasaqaataaneranut tunngatillugu immikkut ittumik
akuersissuteqarsinnaavoq, qinnuteqartup Kalaallit Nunaannut attuumassuteqarnera aal-
laavigalugu tamanna naapertuuttut isigineqarpat, qinnuteqartorlu ilinniarnermik assi-
gisaanilluunniit pissuteqartumik Kalaallit Nunaata avataaniikkallarsimappat, sunngiffimmi
aallaaniarneq pillugu Namminersorlutik Oqartussat nalunaarutaanni nr. 21, 28. novem-
ber 2003-meersumi § 2-mi, imm. 2 naapertorlugu.

“Inuiaqatigiinnut kalaallinut aalajangersimasumik attuumassuteqartut” tassaatinneqarput
inuit inoqutigiinnut ilanngunnermikkut, inissaminnik attartormikkut pisinermikkulluun-
niit, imaluunniit allatut iliornermikkut Kalaallit Nunaanni angerlarsimaffeqalersaarnernin-
nik ersersitsisut, Piniarneq aallaaniarnerlu pillugit Inatsisartut inatsisaanni nr. 12, 29.
oktober 1999-imeersumi § 3-mi, imm. 1 naapertorlugu.

Assersuutigalugu APNN najugaqarnermut uppersaatip piumasaqaataaneranut tun-
ngatillugu kalaallinut nunani allani ilinniagaqartunut immikkut ittumik akuersissuteqar-
sinnaavoq. Immikkut ittumik akuersissuteqarneq aamma inunnut Piniarneq aallaaniar-
nerlu pillugit Inatsisartut inatsisaanni nr. 12, 29. oktober 1999-imeersumi § 3-mi, imm. 1-
imi pineqartunut tunniunneqarsinnaavoq.

Immikkut ittumik akuersissuteqarnissaq pillugu qinnuteqaat tunngavilersuutitalerlugu
APNN-imut nassiunneqassaaq. Naalakkersuisoqarfik tassaavoq, pisuni ataasiakkaani
aalajangiisussaataasooq.

- 2) **Naalakkersuisut, soorlu assersuutigalugu Pituffimmi najugaqartut, Kalaallit
Nunaanni najugaqartutut allassimangitsut, sunngiffimmi piniarnermut al-
lagartamik, sumi najugaqavinnermut uppersaammik takutitsinissamik piu-
masaqaammut ilaatinneqannginnissaat aqqutigalugu, taakkua tumerusussavaat,
tamatumunngalu tunngavigineqassalluni taakkua Kalaallit Nunaannut
akileraartarnerat?**

2)-mut Sunngiffimmi piniarnermut allagartat pillugit inatsisini atuuttuni ersarissumik atu-
arneqarsinnaangilaq, Kalaallit Nunaanni akileraartarnermut attuumassuteqarneq pissu-
tigalugu APNN najugaqarnermut uppersaatip piumasaqaataaneranut tunngatillugu
immikkut ittumik akuersissuteqarsinnaasoq.

14. august 2012
Sagsnr. 2012-068748
Dok. Nr. 986048

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Kisianni Naalackersuisoqarfiup misissorlugu aallartippaa, aalajangiinnermi tunngavigisat allat soorlu akileraartussaataitaaneq imaluunniit Kalaallit Nunaanniinnerup sivisussusaa "allatut iliuuseqarnertut" isigineqarsinnaanersut, qinnuteqartup Kalaallit Nunaanni angerlarsimaffeqalersaameranut uppersaatitup Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 3-mi, imm. 1-imi naapertorlugu.

Tassunga atatillugu Naalackersuisoqarfik Akileraartarnermut Aqutsisoqarfimmut attaveqarpoq, Pituffiup sakkutooqarfiani innuttaasut Kalaallit Nunaanni najugaqartutut allasimangitsut akileraartarnikkut inissisimaffiat pillugu.

Paasinarsivoq, akileraartarnikkut inissisimaffik innuttaasunut Pituffimmi najugaqartunut assigiinngissuteqartoq. Akileraartarnermut Aqutsisoqarfik ilisimatitsivoq Pituffimmi innuttaasut akileraartartaat immikkut annertussuseqartoq (maanna 37 %-imik), kisianni nunatsinni akileraartartut amerlanersaasut akileraartussaataitaapput.

Tunngaviusumik qanoq sivisutigisumik najugaqarsimaneq apeqqutaanngilaq, tassami sulisitsisoq Kalaallit Nunaanni akileraartartussaavoq. Taamaallaat sulisitsisoq Kalaallit Nunaanni akileraartussaangippat, akileraartussaanerup atuutilersinneqarnissaanut tunngatillugu, najugaqarnerup sivisussusia pingaaruteqartussaassaaq. Taamaappat tamatumani atuutissaaq, sulisoq Danmarkimi akileraartussaasimappat aammattaaq Kalaallit Nunaanni sulisitsisuunngitsumi atorfinitsitaanerminut atatillugu pissutsit pigiinnarsimagunigit, akileraartussaataitaanera aatsaat aallartissaaq, najugaqarnera qaammatinut arfinilinnit sivisunerusimappat. Sulisorineqartoq nunami allami Danmark-iunngitsumi akileraartarsimappat, nuna pineqartoq marloriaammik akileraannginnissaq pillugu isumaqatigiissuteqarfigineqarsimanersooq apeqqutaalluni akileraartussaataitaaneq atuutilersinneqassaaq.

Naalackersuisoqarfiup siunertarivaa tamanna ersarinnerusumik misissuiffigineqassasoq inatsimmut atugassarititaasut iluanni aalajangiisoqarnissaa sioqqullugu. Ilaatigut isumaliutigineqarpoq Pituffimmi Innuttaasunut Siunnersuisoqatigiit attavigineqassasut Pituffiup sakkutooqarfiani innuttaasut Kalaallit Nunaanni najugalittut inuit nalunaarsorsimaffiannut nalunaarsorneqarsimanatik nunami maani akileraartartut qanoq amerlatiginersut paasiarniarlugu.

Naggasiullugu ilisimatitsissutigissavara, 2012-imi sunngiffimmi piniarnermut allagartaq pillugu Pituffimmiit qinnuteqaatinik 14-inik Naalackersuisoqarfik tigusaqarsimammat aamma taakkunannga taamaallaat 4-t najugaqavinnermut uppersaammik takutitsinissamik piumasaqaat tunngavigalugu itigartinneqarput.

Inussiarnersumik inuulluaqqusillunga

Ane Hansen